

স্মারক নম্বর- ৫৭.০০.০০০০.০৫৩.২২.০০১.১৮.৩০৪

তারিখঃ ২৮ অগ্রহায়ণ, ১৪২৯
১৩ ডিসেম্বর, ২০২২

বিষয়ঃ বাংলাদেশ কারিগরি শিক্ষা বোর্ড কর্তৃক পরিচালিত সরকারি-বেসরকারি কারিগরি শিক্ষা প্রতিষ্ঠানে ডিপ্লোমা ও উচ্চ মাধ্যমিক পর্যায়ের শিক্ষাক্রমে ভর্তির জন্য “বাংলাদেশ কারিগরি শিক্ষা বোর্ড ভর্তি নীতিমালা-২০২২” অনুমোদন।

সূত্রঃ বাংলাদেশ কারিগরি শিক্ষা বোর্ড এর ২৪/১১/২০২২ তারিখের ৫৭.১৭.০০০০.২০১.০৫.২১.১২৭ সংখ্যক পত্র।

বর্ণিত বিষয় ও সুগোষ্ঠ পত্রের প্রেক্ষিতে বাংলাদেশ কারিগরি শিক্ষা বোর্ড কর্তৃক পরিচালিত সরকারি-বেসরকারি কারিগরি শিক্ষা প্রতিষ্ঠানে ডিপ্লোমা ও উচ্চ মাধ্যমিক পর্যায়ের শিক্ষাক্রমে ভর্তির জন্য অনুমোদিত “বাংলাদেশ কারিগরি শিক্ষা বোর্ড ভর্তি নীতিমালা-২০২২” পরবর্তী প্রয়োজনীয় ব্যবস্থা গ্রহণের জন্য নির্দেশক্রমে এতৎসঙ্গে প্রেরণ করা হলো।


১৬/১২/২২
রহিমা আক্তার
উপসচিব

টেলিফোনঃ +৮৮০২৫৫১০১১৩০
ইমেইলঃ dstech3@tmed.gov.bd

চেয়ারম্যান
বাংলাদেশ কারিগরি শিক্ষাবোর্ড
আগারগাঁও, ঢাকা।

অনুলিপি: সদয় অবগতি/ প্রয়োজনীয় কার্যার্থে প্রেরণ করা হল :

- ১) অতিরিক্ত সচিব (সকল), কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
- ২) মহাপরিচালক, কারিগরি শিক্ষা অধিদপ্তর, আগারগাঁও, ঢাকা।
- ৩) মুখ্যসচিব (কারিগরি অধিশাখা-২), কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
- ৪) মাননীয় মন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা (মাননীয় মন্ত্রীর সদয় অবগতির জন্য)।
- ৫) মাননীয় উপমন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা (মাননীয় উপমন্ত্রীর সদয় অবগতির জন্য)।
- ৬) সিনিয়র সচিব মহোদয়ের একান্ত সচিব (সিনিয়র সহকারী সচিব), কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা (সিনিয়র সচিব মহোদয়ের সদয় অবগতির জন্য)।
- ৭) অফিস কপি।

বাংলাদেশ কারিগরি শিক্ষা বোর্ড ভর্তি নীতিমালা-২০২২
[ডিপ্লোমা ও উচ্চমাধ্যমিক পর্যায়ের শিক্ষাক্রমের জন্য]

বাংলাদেশ কারিগরি শিক্ষা বোর্ডের আওতাধীন ২০২২-২০২৩ শিক্ষাবর্ষে ০৪ (চার) বছর মেয়াদি ডিপ্লোমা-ইন-ইঞ্জিনিয়ারিং, ডিপ্লোমা-ইন-মেরিন ইঞ্জিনিয়ারিং, ডিপ্লোমা-ইন-টেক্সটাইল ইঞ্জিনিয়ারিং, ডিপ্লোমা-ইন-এগ্রিকালচার, ডিপ্লোমা-ইন-ফরেন্সি, ডিপ্লোমা-ইন-ফিশারিজ, ডিপ্লোমা-ইন-লাইভস্টক এবং ০২ (দুই) বছর মেয়াদি এইচ.এস.সি (বিজনেস ম্যানেজমেন্ট অ্যান্ড টেকনোলজি), এইচ.এস.সি (ভোকেশনাল), ডিপ্লোমা-ইন-কমার্স ও সার্টিফিকেট-ইন-মেরিন ট্রেড কোর্সের জন্য নিম্নরূপ “বাংলাদেশ কারিগরি শিক্ষা বোর্ড ভর্তি নীতিমালা-২০২২” প্রণয়ন করা হলো।

১.০ সংজ্ঞা :

- ১.১ 'বোর্ড' বলতে বাংলাদেশ কারিগরি শিক্ষা বোর্ড বোঝাবে;
- ১.২ 'কলেজ' ও 'ইনস্টিটিউট' বলতে বাংলাদেশ কারিগরি শিক্ষা বোর্ড কর্তৃক পাঠদানের জন্য অনুমোদনপ্রাপ্ত বা স্বীকৃতিপ্রাপ্ত কোন শিক্ষা প্রতিষ্ঠানকে বোঝাবে;
- ১.৩ 'নির্ধারিত ফরম' বলতে ভর্তির জন্য বোর্ড কর্তৃক নির্ধারিত আবেদন ফরম অর্থাৎ অনলাইনে প্রদর্শিত আবেদন ফরম বোঝাবে;
- ১.৪ 'শিক্ষার্থী'/'প্রার্থী' বলতে ছাত্র ও ছাত্রী উভয়কেই বোঝাবে;
- ১.৫ 'ভর্তি কমিটি' বলতে বাংলাদেশ কারিগরি শিক্ষা বোর্ড কর্তৃক গঠিত ভর্তি কমিটি বোঝাবে।

২.০ শিক্ষাক্রমভিত্তিক ভর্তির আবেদনের যোগ্যতা :

শিক্ষাক্রম	ভর্তির যোগ্যতা
২.১ সরকারি প্রতিষ্ঠান (৪ বছর মেয়াদি ডিপ্লোমা) :	সকল শিক্ষা বোর্ড অথবা বাংলাদেশ উন্মুক্ত বিশ্ববিদ্যালয়ের অধীনে অনুষ্ঠিত এস.এস.সি/দাখিল/এস.এস.সি(ভোকেশনাল)/দাখিল(ভোকেশনাল) সমমানের পরীক্ষায় উত্তীর্ণ এবং ছাত্রদের ভর্তির ক্ষেত্রে সাধারণ গণিত বা উচ্চতর গণিতে জিপি ৩.০০ সহ কমপক্ষে জিপিএ ৩.০০ এবং ছাত্রীদের ভর্তির ক্ষেত্রে সাধারণ গণিত বা উচ্চতর গণিতে জিপি ২.০ সহ কমপক্ষে জিপিএ ২.৫ প্রাপ্ত শিক্ষার্থীরা অথবা 'ও' লেভেলে যেকোন একটি বিষয়ে 'সি' গ্রেড এবং গণিতসহ অন্য যেকোন দুটি বিষয়ে ন্যূনতম 'ডি' গ্রেড পেয়ে যে কোন সালে উত্তীর্ণ শিক্ষার্থীরা ২০২২-২০২৩ শিক্ষাবর্ষে ভর্তির জন্য আবেদন করতে পারবে। জিপিএ পদ্ধতি চালুর পূর্বে এস.এস.সি বা সমমান পরীক্ষায় ন্যূনতম ২য় বিভাগ প্রাপ্ত যে কোন সালে উত্তীর্ণ শিক্ষার্থী আবেদন করতে পারবে।
২.১.১ ডিপ্লোমা-ইন-ইঞ্জিনিয়ারিং (১ম ও ২য় শিফট) টেকনোলজিসমূহঃ অটোমোবাইল, আর্কিটেকচার, সিরামিক্স, কেমিক্যাল, সিভিল, সিভিল (উড), কম্পিউটার সায়েন্স অ্যান্ড টেকনোলজি, কম্পিউটার গ্রাফিক্স, ইলেকট্রিক্যাল, ইলেক্ট্রোমেডিকেল, ইলেকট্রনিক্স, এনভায়রনমেন্টাল, ফুড, গ্রাস, গ্রাফিক্স ডিজাইন, মেকট্রনিক্স, মেকানিক্যাল, মাইনিং অ্যান্ড মাইন সার্ভে, পাওয়ার, প্রিন্টিং, রেফ্রিজারেশন অ্যান্ড এয়ার কন্ডিশন, সার্ভেয়িং, টেলিকমিউনিকেশন।	
২.১.২ ডিপ্লোমা-ইন-টেক্সটাইল ইঞ্জিনিয়ারিং (১ম ও ২য় শিফট) স্পেশালাইজেশনসমূহঃ ওয়েট প্রেসিং, ইয়ার্ন ম্যানুফেকচারিং, ফেব্রিক ম্যানুফেকচারিং, অ্যাপারেল ম্যানুফেকচারিং, জুট, টেক্সটাইল মেশিন ডিজাইন অ্যান্ড মেইন্টেন্যান্স, মার্চেন্টাইজিং অ্যান্ড মার্কেটিং, ফ্যাশন ডিজাইন।	
২.১.৩ ডিপ্লোমা-ইন-মেরিন ইঞ্জিনিয়ারিং টেকনোলজিসমূহঃ মেরিন টেকনোলজি, শিপ বিল্ডিং টেকনোলজি।	সকল শিক্ষা বোর্ড/বাংলাদেশ উন্মুক্ত বিশ্ববিদ্যালয়ের অধীনে অনুষ্ঠিত এস.এস.সি/দাখিল পরীক্ষায় শুধুমাত্র বিজ্ঞান বিভাগ থেকে অথবা এস.এস.সি(ভোকেশনাল)/দাখিল (ভোকেশনাল) পরীক্ষায় (গণিত, পদার্থ বিজ্ঞান ও রসায়ন বিজ্ঞানসহ) কমপক্ষে

	<p>জিপিএ ৩.৫০ নিয়ে উত্তীর্ণ শিক্ষার্থীরা ২০২২-২০২৩ শিক্ষাবর্ষে ভর্তির জন্য আবেদন করতে পারবে। ইংলিশ মিডিয়াম পাঠক্রমের আওতায় পদার্থ বিজ্ঞান, গণিত, ইংরেজিসহ ন্যূনতম ৫ টি বিষয় নিয়ে C-গ্রেডে O-Level সনদপ্রাপ্ত শিক্ষার্থীগণও আবেদন করতে পারবে।</p> <p>খ) বয়সঃ আবেদনের তারিখে সর্বোচ্চ ১৮ বছর।</p> <p>গ) শারীরিক যোগ্যতাঃ উচ্চতা, পুরুষ প্রার্থীদের জন্য কমপক্ষে ৫ ফিট ৪ ইঞ্চি এবং মহিলা প্রার্থীদের জন্য কমপক্ষে ৫ ফিট ২ ইঞ্চি হতে হবে।</p> <p>দৃষ্টিশক্তি ন্যূনতম ৬/১২ (চশমা সহ ৬/৬) হতে হবে।</p> <p>ওজনঃ বিশ্ব স্বাস্থ্য সংস্থার BMI (Body Mass Index) চার্ট মোতাবেক হতে হবে।</p> <p>BMI সর্বনিম্ন ১৭ এবং সর্বোচ্চ ২৫ হতে হবে, যেমন উচ্চতা ৫' ২" এর জন্য ওজন ৪৩-৫৭ কেজি ; ৫' ৪" এর জন্য ৪৫-৬৬ কেজি; ৫' ৬" এর জন্য ৪৮-৭১ কেজি; ৫' ৮" এর জন্য ৫০-৭৫ কেজি; ৫' ১০" এর জন্য ৫৪-৮০ কেজি; ৬" এর জন্য ৫৬-৮৪ কেজি হতে হবে।</p> <p>স্বীকৃত চিকিৎসক হতে মেডিকেল ফিটনেস সনদ, চক্ষু ও কালার ভিশন ফিটনেস সনদ ও হিয়ারিং ফিটনেস সনদপ্রাপ্ত হতে হবে।</p> <p>উল্লেখ্য, মেরিন ও শিপ বিল্ডিং টেকনোলজিতে উত্তীর্ণ শিক্ষার্থীদের CDC (Continuous Discharge Certificate) পাওয়ার ন্যূনতম যোগ্যতাকে ভর্তির যোগ্যতা হিসেবে বিবেচনায় নেয়া হয়েছে।</p>
<p>২.২ সরকারি প্রতিষ্ঠান (৪ বছর মেয়াদি ডিপ্লোমা) :</p> <p>২.২.১ ডিপ্লোমা-ইন-এগ্রিকালচার</p> <p>২.২.২ ডিপ্লোমা-ইন-ফরেস্ট্রি</p> <p>২.২.৩ ডিপ্লোমা-ইন-ফিসারিজ</p> <p>২.২.৪ ডিপ্লোমা-ইন-লাইভস্টক</p>	<p>সকল শিক্ষা বোর্ড অথবা বাংলাদেশ উন্মুক্ত বিশ্ববিদ্যালয়ের অধীনে অনুষ্ঠিত এস.এস.সি/ দাখিল/ এস.এস.সি (ভোকেশনাল) / দাখিল (ভোকেশনাল) / সমমানের পরীক্ষায় উত্তীর্ণ কমপক্ষে জিপিএ ২.৫০ প্রাপ্ত শিক্ষার্থীরা অথবা 'ও' লেভেলে যে কোন একটি বিষয়ে 'সি' গ্রেড ও অন্য যেকোন দুটি বিষয়ে ন্যূনতম 'ডি' গ্রেড পেয়ে উত্তীর্ণ যে কোন বয়সের শিক্ষার্থীরা ২০২২-২০২৩ শিক্ষাবর্ষে ভর্তির জন্য আবেদন করতে পারবে। জিপিএ পদ্ধতি চালুর পূর্বে এস.এস.সি বা সমমান পরীক্ষায় ন্যূনতম ২য় বিভাগে উত্তীর্ণ যে কোন বয়সের শিক্ষার্থী আবেদন করতে পারবে।</p> <p>ডিপ্লোমা-ইন-লাইভস্টক শিক্ষাক্রমের ক্ষেত্রে 'জীববিজ্ঞান' বিষয়ে জিপি ৩.০০ সহ বিজ্ঞান বিভাগ থেকে ও ডিপ্লোমা-ইন-ফিসারিজ শিক্ষাক্রমের ক্ষেত্রে বিজ্ঞান বিভাগ জিপি ৩.০০ সহ সম্প্রতি পাসকৃতদের অগ্রাধিকার দেয়া হবে এবং মোট জিপিএ এর ভিত্তিতে মেধা তালিকা করা হবে। এক্ষেত্রে সমান জিপিএ প্রাপ্তদের মেধাত্তম নির্ধারণের ক্ষেত্রে জীববিজ্ঞান বিষয়ে প্রাপ্ত জিপি বিবেচনা করা হবে।</p>
<p>২.৩ বেসরকারি প্রতিষ্ঠান (৪ বছর মেয়াদি ডিপ্লোমা) :</p> <p>২.৩.১ ডিপ্লোমা-ইন-ইঞ্জিনিয়ারিং</p> <p>টেকনোলজিসমূহঃ অটোমোবাইল, এয়ারক্রাফট</p> <p>মেইটেন্যান্স (এয়ারোস্পেস), এয়ারক্রাফট মেইটেন্যান্স</p>	<p>সকল শিক্ষা বোর্ড অথবা বাংলাদেশ উন্মুক্ত বিশ্ববিদ্যালয়ের অধীনে অনুষ্ঠিত এস.এস.সি/ দাখিল /এস.এস.সি (ভোকেশনাল)/ দাখিল (ভোকেশনাল) / সমমানের পরীক্ষায় উত্তীর্ণ শিক্ষার্থীরা কমপক্ষে জিপিএ</p>

<p>সিভিল, কম্পিউটার সায়েন্স অ্যান্ড টেকনোলজি, কম্পট্রাকশন, ইলেকট্রিক্যাল, ইলেক্ট্রোমেডিকেল, ইলেকট্রনিক্স, এনভায়রনমেন্টাল, ফুড, ফুটওয়্যার, গ্রাস, গ্রাফিক্স ডিজাইন, মেরিন, মেকট্রনিক্স, মেকানিক্যাল, পাওয়ার, প্রিন্টিং, রেফ্রিজারেশন অ্যান্ড এয়ার কন্ডিশন, শিপ বিল্ডিং, সার্ভেয়িং, টেলিকমিউনিকেশন।</p> <p>২.৩.২ ডিপ্লোমা-ইন-টেক্সটাইল ইঞ্জিনিয়ারিং স্পেশালাইজেশনসমূহঃ ওয়েট প্রসেসিং, ইয়ার্ন ম্যানুফেকচারিং, ফেব্রিক ম্যানুফেকচারিং, অ্যাপারেল ম্যানুফেকচারিং, জুট, টেক্সটাইল মেশিন ডিজাইন অ্যান্ড মেইটেন্যান্স, মার্চেন্ডাইজিং অ্যান্ড মার্কেটিং, ফ্যাশন ডিজাইন।</p> <p>২.৩.৩ ডিপ্লোমা-ইন-এগ্রিকালচার ২.৩.৪ ডিপ্লোমা-ইন-ফিসারিজ</p>	<p>বয়সের শিক্ষার্থীরা ২০২২-২০২৩ শিক্ষাবর্ষে ভর্তির জন্য আবেদন করতে পারবে। জিপিএ পদ্ধতি চালুর পূর্বে এস.এস.সি বা সমমান পরীক্ষায় ন্যূনতম ২য় বিভাগ প্রাপ্ত যে কোন সালে উত্তীর্ণ শিক্ষার্থী আবেদন করতে পারবে।</p>
<p>২.৪ সরকারি প্রতিষ্ঠান (২ বছর মেয়াদি) : ২.৪.১ এইচ.এস.সি (ভোকেশনাল) : ড্রেসমুহ : এপ্রোমেশিনারী, অটোমোবাইল, বিল্ডিং কম্পট্রাকশন অ্যান্ড মেইটেন্যান্স, ক্রোডিং অ্যান্ড গার্মেন্টস ফিনিশিং, কম্পিউটার অপারেশন অ্যান্ড মেইটেন্যান্স, ড্রাফটিং অ্যান্ড সিভিল, ইলেকট্রিক্যাল ওয়ার্কস অ্যান্ড মেইটেন্যান্স, ইলেকট্রনিক কন্ট্রোল অ্যান্ড কমিউনিকেশন, ফিস কালচার অ্যান্ড ব্রিডিং, মেশিন টুল অপারেশন অ্যান্ড মেইটেন্যান্স, পোল্ট্রি রিয়ারিং অ্যান্ড ফার্মিং, রেফ্রিজারেশন অ্যান্ড এয়ারকন্ডিশনিং, ওয়েল্ডিং অ্যান্ড ফেব্রিকেশন, উড অ্যান্ড ডিজাইন।</p>	<p>এস.এস.সি (ভোকেশনাল)/ দাখিল (ভোকেশনাল) পরীক্ষায় যে কোন সালে উত্তীর্ণ শিক্ষার্থীরা ক্রান্তারভিত্তিক (পরিশিষ্ট-১) ভর্তির জন্য আবেদন করতে পারবে।</p>
<p>২.৫ সরকারি প্রতিষ্ঠান (২ বছর মেয়াদি) : ২.৫.১ এইচ.এস.সি (বিজনেস ম্যানেজমেন্ট অ্যান্ড টেকনোলজি): স্পেশালাইজেশনসমূহ : কম্পিউটারাইজড একাউন্টিং সিস্টেম, ফাইন্যান্সিয়াল প্রাকটিসেস, ডিজিটাল টেকনোলজি- ইন-বিজনেস, ই-বিজনেস, হিউম্যান রিসোর্স ডেভেলপমেন্ট।</p>	<p>দেশের সকল শিক্ষা বোর্ড/উন্মুক্ত বিশ্ববিদ্যালয় হতে এস.এস.সি/দাখিল/এস.এস.সি(ভোকেশনাল)/দাখিল (ভোকেশনাল)/ সমমানের পরীক্ষায় যে কোন সালে উত্তীর্ণ শিক্ষার্থীরা ভর্তির জন্য আবেদন করতে পারবে।</p>
<p>২.৬ বেসরকারি প্রতিষ্ঠান (২ বছর মেয়াদি) : ২.৬.১ এইচ.এস.সি (বিজনেস ম্যানেজমেন্ট অ্যান্ড টেকনোলজি): স্পেশালাইজেশনসমূহ : কম্পিউটারাইজড একাউন্টিং সিস্টেম, ফাইন্যান্সিয়াল প্রাকটিসেস, ডিজিটাল টেকনোলজি- ইন-বিজনেস, ই-বিজনেস, হিউম্যান রিসোর্স ডেভেলপমেন্ট।</p>	<p>দেশের সকল শিক্ষা বোর্ড/উন্মুক্ত বিশ্ববিদ্যালয় হতে এস.এস.সি/দাখিল/এস.এস.সি (ভোকেশনাল) /দাখিল (ভোকেশনাল)/ সমমানের পরীক্ষায় যে কোন সালে উত্তীর্ণ শিক্ষার্থীরা ভর্তির জন্য আবেদন করতে পারবে।</p>
<p>২.৬.২ ডিপ্লোমা-ইন-কমার্স : স্পেশালাইজেশনসমূহ: হিসাব রক্ষণ, শার্টহ্যান্ড।</p>	
<p>২.৭ সরকারি প্রতিষ্ঠান (২ বছর মেয়াদি) : ২.৭.১ সার্টিফিকেট-ইন-মেরিন ড্রেড : টেকনোলজি/ড্রেসমুহ : মেরিন ডিজেল ইঞ্জিন আর্টিফিসার, শিপ ফেব্রিকেশন, শিপ বিল্ডিং, ওয়েল্ডিং, শিপ বিল্ডিং অ্যান্ড মেকানিক্যাল ড্রাফটিং।</p>	<p>দেশের সকল শিক্ষা বোর্ড/ উন্মুক্ত বিশ্ববিদ্যালয় হতে এস.এস.সি/এস.এস.সি(ভোকেশনাল)/দাখিল(ভোকেশনাল)/ দাখিল/সমমানের পরীক্ষায় যে কোন সালে উত্তীর্ণ এবং সাধারণ গণিত বা উচ্চতর গণিতে জিপি ২.০ সহ কমপক্ষে জিপিএ ২.৫ প্রাপ্ত শিক্ষার্থীরা ভর্তির জন্য আবেদন করতে পারবে।</p>

* 'ও' লেভেল থেকে পাসকৃত শিক্ষার্থীদের প্রাপ্ত জিপিএ ঢাকা শিক্ষা বোর্ড থেকে এস.এস.সি পাসকৃত শিক্ষার্থীদের সাথে সমমান সনদ গ্রহণপূর্বক বাংলাদেশ কারিগরি শিক্ষা বোর্ডে জমাদান সাপেক্ষে অনলাইনে আবেদন করতে পারবে।

৩.০ ভর্তি কার্যক্রমের সময়সূচি :

প্রতিষ্ঠানের ধরণ	শিক্ষাক্রম	ভর্তি কার্যক্রমের সময়সীমা	ক্রাশ আরম্ভ (সম্ভাব্য তারিখ)
সরকারি	ডিপ্লোমা-ইন-ইঞ্জিনিয়ারিং (১ম ও ২য় শিফট) ডিপ্লোমা-ইন-মেরিন ইঞ্জিনিয়ারিং ডিপ্লোমা-ইন-টেক্সটাইল ইঞ্জিনিয়ারিং ডিপ্লোমা-ইন-এগ্রিকালচার ডিপ্লোমা-ইন-ফিসারিজ ডিপ্লোমা-ইন-ফরেস্ট্রি ডিপ্লোমা-ইন-লাইভস্টক ০২ বছর মেয়াদি সার্টিফিকেট-ইন-মেরিন ট্রেড	ভর্তির সকল কার্যক্রম ১৩/১২/২০২২ খ্রিঃ থেকে শুরু করে ২৫/০১/২০২৩ তারিখের মধ্যে সম্পন্ন করতে হবে। বর্ণিত সময়ের মধ্যে অনলাইন আবেদন ফরমে প্রদত্ত পছন্দ ও মেধার ভিত্তিতে নির্বাচিত শিক্ষার্থীরা যে কোন পর্যায়ের নির্বাচনে নিশ্চায়ন না করলে তাদের আবেদন বাতিল বলে গণ্য হবে। এ সকল শিক্ষার্থীসহ অন্যান্য শিক্ষার্থীরা (যারা পূর্বে আবেদন করেনি) নতুন করে আবেদন কি সহ আবেদনের সুযোগ পাবে। তবে আসন শূন্যতা বিবেচনায় পুনরায় গৃহীত আবেদন ও অপেক্ষমান তালিকা থেকে মেধাক্রম অনুযায়ী ভর্তির লক্ষ্য সময়সীমা বোর্ড কর্তৃক বর্ধিত করা যাবে এবং তা অবশ্যই রেজিস্ট্রেশনের পূর্বে হতে হবে। বোর্ড কর্তৃক নির্ধারিত সময়ের মধ্যে রেজিস্ট্রেশনের কাজ সম্পন্ন করা হবে।	০৭/০২/২০২৩ মঙ্গলবার
বেসরকারি	ডিপ্লোমা-ইন-ইঞ্জিনিয়ারিং ডিপ্লোমা-ইন-টেক্সটাইল ইঞ্জিনিয়ারিং ডিপ্লোমা-ইন-এগ্রিকালচার ডিপ্লোমা-ইন-ফিসারিজ	ভর্তির সকল কার্যক্রম ১৩/১২/২০২২ খ্রিঃ থেকে শুরু করে ০৫/০২/২০২৩ তারিখের মধ্যে সম্পন্ন করতে হবে। তবে আসন শূন্যতা বিবেচনায় ভর্তির সময় বর্ধিত করা যাবে এবং তা অবশ্যই রেজিস্ট্রেশনের পূর্বে হতে হবে। বোর্ড কর্তৃক নির্ধারিত সময়ের মধ্যে রেজিস্ট্রেশনের কাজ সম্পন্ন করা হবে।	০৭/০২/২০২৩ মঙ্গলবার
সরকারি ও বেসরকারি	এইচ.এস.সি (ভোকেশনাল) এইচ.এস.সি (বিজনেস ম্যানেজমেন্ট অ্যান্ড টেকনোলজি) ডিপ্লোমা-ইন-কমার্স	ভর্তির সকল কার্যক্রম ১৩/১২/২০২২ খ্রিঃ থেকে শুরু করে ০২/০১/২০২৩ তারিখের মধ্যে সম্পন্ন করতে হবে। তবে আসন শূন্যতা বিবেচনায় ভর্তির সময় বর্ধিত করা যাবে এবং তা অবশ্যই রেজিস্ট্রেশনের পূর্বে হতে হবে। বোর্ড কর্তৃক নির্ধারিত সময়ের মধ্যে রেজিস্ট্রেশনের কাজ সম্পন্ন করা হবে।	০২/০২/২০২৩ বুধবার

৪.০ ভর্তির আবেদনের পদ্ধতি (সকল শিক্ষাক্রমের ক্ষেত্রে শুধুমাত্র এইচ.এস.সি (ভোকেশনাল) ব্যতীত) :

- ভর্তির জন্য নির্ধারিত আবেদনপত্র অনলাইনের মাধ্যমে দাখিল করতে হবে। আবেদনের সময় সম্প্রতি তোলা (পরিষ্কার পাসপোর্ট সাইজের রঙিন ছবি JPEG Format-এ, এবং অনধিক 100 kb) ছবি আপলোড করতে হবে। আবেদনকারীর সঠিক ছবি আপলোডের বিষয়টি নিশ্চিত হতে হবে। ভর্তির জন্য নির্ধারিত আবেদন ফরম বাংলাদেশ কারিগরি শিক্ষা বোর্ডের ওয়েবসাইটে www.bteb.gov.bd এবং btebadmission.gov.bd বা সংশ্লিষ্ট প্রতিষ্ঠানের ওয়েবসাইটে পাওয়া যাবে;
- প্রার্থীকে আবেদনের নির্ধারিত স্থানে পছন্দ অনুযায়ী প্রতিষ্ঠান এবং টেকনোলজি/স্পেশালাইজেশন/ট্রেড সুনির্দিষ্টভাবে উল্লেখ করতে হবে। তবে যে কোন প্রতিষ্ঠান এবং যে কোন টেকনোলজি পছন্দ হিসেবে নির্বাচনের সুযোগ থাকলে তা নির্বাচন করা যাবে এবং অপেক্ষমান ফলাফল প্রকাশের সময় যে কোন প্রতিষ্ঠান এবং যে কোন টেকনোলজি পছন্দক্রম বিষয়টি প্রয়োগ করা হবে;

- ৪.৩ অনলাইনে আবেদনের ক্ষেত্রে শিক্ষাক্রমভিত্তিক প্রতি শিফটের জন্য ১৬০ (একশত ষাট) টাকা অনলাইন পেমেন্ট পেটওয়ে এর মাধ্যমে জমাদান সাপেক্ষে পছন্দক্রম অনুযায়ী এক বা একাধিক প্রতিষ্ঠানে সর্বোচ্চ ১৫ (পনের) টি টেকনোলজি/ট্রেড/স্পেশালাইজেশন এ আবেদন করা যাবে। অনলাইনে প্রতি শিফটের জন্য মাত্র একবারই আবেদন করা যাবে। তবে অন্তরিক্ত পছন্দ হিসাবে যে কোন প্রতিষ্ঠান ও যে কোন বিষয় নির্বাচন করা যাবে। উল্লেখ্য যে, এ্যানি চয়েজ (Any Choice) অপশনে টিক দিলে অপেক্ষমান ফলাফল প্রকাশের সময়ে তা প্রয়োগ করা হবে।

৫.০ **ভর্তির আবেদনের পদ্ধতি (এইচ.এস.সি (ভোকেশনাল) শিক্ষাক্রমের ক্ষেত্রে) :**

- ৫.১ ভর্তির জন্য নির্ধারিত আবেদনপত্র অনলাইনের মাধ্যমে দাখিল করতে হবে। আবেদনের সময় সম্প্রতি তোলা (পরিষ্কার পাসপোর্ট সাইজের রঙিন ছবি JPEG Format-এ, এবং অনধিক 100 kb) ছবি আপলোড করতে হবে। আবেদনকারীর সঠিক ছবি আপলোডের বিষয়টি নিশ্চিত হতে হবে। ভর্তির জন্য নির্ধারিত আবেদন ফরম বাংলাদেশ কারিগরি শিক্ষা বোর্ডের ওয়েবসাইটে www.bteb.gov.bd এবং btebadmission.gov.bd বা সংশ্লিষ্ট প্রতিষ্ঠানে পাওয়া যাবে;
- ৫.২ অন-লাইনে আবেদনের ক্ষেত্রে ১৬০/- (একশত ষাট) টাকা অনলাইন পেমেন্ট পেটওয়ে এর মাধ্যমে প্রদান সাপেক্ষে পছন্দক্রম অনুযায়ী আবেদন করা যাবে;
- ৫.৩ এস.এস.সি(ভোকেশনাল)/দাখিল (ভোকেশনাল) শিক্ষাক্রমে প্রচলিত বিভিন্ন ট্রেডের উপর ভিত্তি করে এইচ.এস.সি (ভোকেশনাল) শিক্ষাক্রমের জন্য ক্লাস্টার (পরিশিষ্ট-১) অনুযায়ী সংশ্লিষ্ট ট্রেডে শিক্ষার্থী ভর্তি করা হবে।

৬.০ **শিক্ষার্থী নির্বাচনে অনুসরণীয় পদ্ধতি :**

- ৬.১ শিক্ষার্থী নির্বাচনে কোন ভর্তি পরীক্ষা অনুষ্ঠিত হবে না। কেবলমাত্র এস.এস.সি বা সমমান পরীক্ষার ফলাফলের ভিত্তিতে শিক্ষার্থী নির্বাচন করা হবে;
- ৬.২ এস.এস.সি পাসকৃত শিক্ষার্থীদের ক্ষেত্রে জিপিএ ৫.০০ প্রাপ্ত সকল বিষয়ের ওপর সর্বোচ্চ ৬৮ গ্রেড পয়েন্ট ধরে প্রাপ্ত জিপিএ এর ভিত্তিতে মেধাক্রম নির্ধারণ করতে হবে (১৪ বিষয়ের প্রতি বিষয়ে গ্রেড পয়েন্ট ৫ হিসেবে $14 \times 5 = 70$ হওয়ার কথা। কিন্তু চতুর্থ বিষয়ে ২ পয়েন্ট বাদ দেয়ার কারণে সর্বোচ্চ পয়েন্ট ৬৮ উল্লেখ করা হয়েছে)। ২০১৬ সালে এস.এস.সি পাসকৃত শিক্ষার্থীদের ক্ষেত্রে জিপিএ-৫ প্রাপ্ত সকল বিষয়ের ওপর সর্বোচ্চ ৫৩ গ্রেড পয়েন্ট ধরে প্রাপ্ত জিপিএ এর ভিত্তিতে মেধাক্রম নির্ধারণ করতে হবে (১১ বিষয়ের প্রতি বিষয়ে গ্রেড পয়েন্ট ৫ হিসেবে $11 \times 5 = 55$ হওয়ার কথা। কিন্তু চতুর্থ বিষয়ে ২ পয়েন্ট বাদ দেয়ার কারণে সর্বোচ্চ পয়েন্ট ৫৩ উল্লেখ করা হয়েছে)। ২০১৫ সালে এস.এস.সি পাসকৃত শিক্ষার্থীদের ক্ষেত্রে জিপিএ-৫ প্রাপ্ত সকল বিষয়ের ওপর সর্বোচ্চ ৪৮ গ্রেড পয়েন্ট ধরে প্রাপ্ত জিপিএ এর ভিত্তিতে মেধাক্রম নির্ধারণ করতে হবে (১০ বিষয়ের প্রতি বিষয়ে গ্রেড পয়েন্ট ৫ হিসেবে $10 \times 5 = 50$ হওয়ার কথা। কিন্তু চতুর্থ বিষয়ে ২ পয়েন্ট বাদ দেয়ার কারণে সর্বোচ্চ পয়েন্ট ৪৮ উল্লেখ করা হয়েছে)। এক্ষেত্রে ৬৮ পয়েন্ট ও ৫৩ পয়েন্ট কে ৪৮ পয়েন্টর সাথে সমতুল্য করে হিসাব করা হবে। সাধারণ শিক্ষা বোর্ডের পয়েন্ট, উন্মুক্ত বিশ্ববিদ্যালয়ের এস.এস.সি পয়েন্ট, মাদ্রাসা শিক্ষা বোর্ডের পয়েন্ট, কারিগরি শিক্ষা বোর্ডের পয়েন্ট এবং 'ও' লেভেলের পয়েন্ট সমতুল্য করে মেধাক্রম নির্ধারণ করা হবে। প্রচলিত গ্রেডিং পদ্ধতির ফলাফলের সঙ্গে পূর্বের প্রচলিত বিভাগ পদ্ধতির ফলাফল সমতাকরণ করে মেধাক্রম নির্ধারণ করা হবে;
- ৬.৩ ভর্তির ক্ষেত্রে সমান জিপিএ প্রাপ্তদের মেধাক্রম নির্ধারণের ক্ষেত্রে শর্তাবলি নিম্নরূপঃ
- ৬.৩.১ প্রথমে প্রাপ্ত জিপিএ এর ভিত্তিতে মেধা তালিকা করা হবে;
- ৬.৩.২ একই জিপিএ হলে সাধারণ গণিতের জিপিএ এর ভিত্তিতে মেধা তালিকা করা হবে;
- ৬.৩.৩ সাধারণ গণিতের জিপিএ একই হলে উচ্চতর গণিত/সাধারণ বিজ্ঞানের সর্বোচ্চ জিপিএ এর ভিত্তিতে মেধা তালিকা করা হবে;
- ৬.৩.৪ উচ্চতর গণিত/ বিজ্ঞানের সর্বোচ্চ জিপিএ একই হলে ইংরেজি এর জিপিএ এর ভিত্তিতে মেধা তালিকা করা হবে;
- ৬.৩.৫ ইংরেজি এর জিপিএ একই হলে পদার্থ/রসায়ন এর সর্বোচ্চ জিপিএ এর ভিত্তিতে মেধা তালিকা করা হবে;
- ৬.৩.৬ পদার্থ/রসায়ন এর সর্বোচ্চ জিপিএ একই হলে মোট নম্বরের ভিত্তিতে মেধা তালিকা করা হবে;
- ৬.৩.৭ মোট নম্বর একই হলে সাধারণ গণিতের নম্বর এর ভিত্তিতে মেধা তালিকা করা হবে;